

8. oktober 2013

UKA 2013/117
Anders Olsen

Nunat Avannarliit isumaginninnikkut isumannaallisaaneq pillugu isumaqatigiis-sutaannut Kalaallit Nunaata akuerserusunneranik Namminersorlutik Oqartussat nalunaaruteqarnissaat pillugu Inatsisartut aalajangiiffigisassaattut siunnersuut.
(Ilaqtariinnermut Inatsisinillu Atuutsitsinnermut Naalakkersuisoq)

Nunat Avannarliit isumaginninnikkut isumannaallisaaneq pillugu isumaqatigiissutaannut Kalaallit Nunaata akuerserusunneranik Namminersorlutik Oqartussat nalunaaruteqarnis-saat pillugu Inatsisartut aalajangiiffigisassaattut siunnersuut Siumumiit naatsumik ima oqaaseqarfigissavarput.

Ilaqtariinnermut Inatsisinillu Atuutsitsinnermut Naalakkersuisup nunat avannarliit isuma-ginninnikkut isumannaallisaaneq pillugu saqqumiinerani eqqaavaa nunarput siusinneru-suklut isumaqatigiissummut akuersissuteqareernikuusoq, maannalu tassa isumaqatigiis-sutaasimasup nutarneqarnerani nunatta Inatsisartutigoortumik isumaqatigiissummut nu-taamut akuersinissaa suliarineqartussanngorluni. Suliarineqartoq Siumumiit isumaginnin-nerup iluani pitsaasumik sinaakkusiinissamik nunani avannarlermioqatitsinni pisussaam-mat pineqartumut akuersaarnerput nalunaarutigaarput.

Pingaaruteqartorujussuuvoq Kalaallit Nunaata nunani avannarlerni tamakkiisumik isuma-ginninnikkut isumannaatsumik inissisimanissaa, ukiunimi makkunani takornartaajunnaar-mat assersuutigalugu inuusuttut ilinniagaqarniarlutik nunat pineqartut ilinniariarfigisaler-nikummatigit allatigulluunniit susassaqarfitsigut assigiinngitsutigut suliarforfigisaler-nikummatigit.

Taamatuttaaq suliap pingaaruteqassusiata ilagaa nunani avannarlerni nuuttartut isuma-ginninnikkut tamatigit pisinnaatitaaffiligaaqqinniarniarnerat, taamaattumik Siumumiit ta-persersorluinnartikkatsigu oqaatigissavarput.

Taama isumannaariniarneq nunatsinniit nunatsinnullu nuttartoqartillugu iliuusaavoq tama-nut pitsaaquteqartussa, taamaammat suliamik ingerlatsisut sulilluarnissaannik Siumumiit kissaappagut.

Ilaqtariinnermut Inatsisinillu Atuutsitsinnermut Naalakkersuisup saqqummiussaa Siumumiit annerusumik oqaaseqarfiginagu suliamut tapersiinerput matumuuna nalunaarutigaarput.